

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva unutrašnjih poslova, Vlada Zeničko-dobojskog kantona, na 15. sjednici održanoj dana 11.04.2023. godine, d o n o s i

ZAKLJUČAK

I.

Prima se na znanje Informacija o stanju popunjenosti policijskih službenika, državnih službenika i namještenika u Upravi policije Ministarstva unutrašnjih poslova Zeničko-dobojskog kantona i čini sastavni dio ovog zaključka.

II.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23

Datum, 11.04.2023. godine

Z e n i c a

DOSTAVLJENO:

1x Ministarstvo unutrašnjih poslova,

1x Uprava policije, putem Ministarstva unutrašnjih poslova,

1x a/a.



Broj: 08-02-06/1-_____/23

Dana: 23.03.2023. godine.

PREDMET: Informacija o stanju popunjenosti policijskih službenika, državnih službenika i namještenika u Upravi policije Ministarstva unutrašnjih poslova, dostavlja se,-

VEZA: Zaključak Vlade Zeničko-dobojskog kantona broj: 02-03-4967/22 od 25. 03. 2022. godine;-

Zaključkom Vlade Zeničko-dobojskog kantona broj i datum kako je naprijed navedeno, Vlada Zeničko-dobojskog kantona primila je na znanje Informaciju o stanju popunjenosti policijskih službenika u Upravi policije Ministarstva unutrašnjih poslova i zadužila upravu policije da pokrene proceduru prijema 105 policijskih službenika, i to 100 u činu policajac i pet u činu mlađi inspektor na način i u proceduri propisanoj Zakonom o policijskim službenicima Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 4/14 i 2/18).

Prema navedenoj Informaciji, Uprava policije ovog Ministarstva planirani broj prijema policijskih službenika nije realizovala iz razloga što u momentu usvajanja navedenog zaključka nije imala 100 (stotinu) upražnjenih radnih mjesta policijskih službenika u činu policajac, već se pomenuti broj morao postići kroz proces internog unapređenja policijskih službenika u viši čin, kako bi se oslobodila radna mjesta u činu policajac. Napominjemo da je u momentu donošenja Zaključka ukupan broj upražnjenih radnih mjesta u statusu policijskih službenika u svim činovima iznosio 252 radna mjesta. Imajući u vidu činjenicu da samo jedan proces unapređenja u viši čin po internom oglasu za unapređenje, u situaciji da ne bude izjavljenih žalbi od strane nezadovoljnih kandidata traje najmanje 30 dana, onda se jasno može doći do zaključka zašto nismo mogli pomenuti Zaključak Vlade provesti u 2022. godini. Želimo istaći da je bilo neophodno provesti najmanje devet Internih oglasa unapređenja u viši čin kao bi postigli 100 (stotinu) upražnjenih radnih mjesta, tako da trenutno broj upražnjenih radnih mjesta u činu policajac je 78 i sa internim oglasom za unapređenje u čin stariji policajac koji je u toku, oslobodit ćemo broj upražnjenih radnih mjesta u činu policajac od 100 (stotinu) radnih mjesta, kako bi se stvorili uslovi za raspisivanje Javnog oglasa za prijem policijskih službenika po Zaključku Vlade iz akta veze.

S tim u vezi, ovom informacijom želimo ukazati na probleme koji bi se mogli pojaviti ukoliko u kraćem periodu ovo Ministarstvo ne pokrene proceduru prijema novih 105 policijskih službenika odobrenih Zaključkom Vlade, a to su:

- u Upravi policije je od ukupno sistematizovanih 1235 radnih mjesta sa statusom policijskih službenika, trenutno upražnjeno 198 radnih mjesta, s tim da će do kraja godine uslove za sticanje prava na starosnu penziju ostvariti oko 40 policijskih službenika,

- od posljednja dva prijema policijskih službenika koji su bili 2016 godine (primljeno 100 u činu policajac) i 2020 godine (primljeno 107 u činu policajac i 15 u činu mlađi inspektor), broj policijskih službenika kojima je prestao radni odnos po raznim osnovama je 224, i to: u 2016. godini 48 policijskih službenika, 2017. godini 46 policijskih službenika, 2018. godini 11 policijskih službenika, 2019. godini 10 policijskih službenika, 2020. godini 15 policijskih

službenika, 2021. godini 36 policijskih službenika i 2022. godini 58 policijskih službenika,

- s obzirom na starosnu strukturu policijskih službenika Uprave policije očekujemo da će broj policijskih službenika koji će ostvariti odlazak u starosnu penziju iz godine u godinu sve više rasti, tako da će u 2024. godini radni odnos prestati za oko 40 policijskih službenika, u 2025. godini oko 80 i u 2026. godini oko 260 policijskih službenika,

- zbog velikog broja nedostatka policijskih službenika u pojedinim policijskim stanicama može doći i do narušavanja bezbjedonosne situacije,

- procedura prijema policijskih službenika je prilično kompleksna i dugotrajna, a i pored toga, odabrani kandidati se po okončanju prijema upućuju na osnovnu policijsku obuku koja za čin policajac traje sedam mjeseci, a za čin mlađi inspektor četiri mjeseca. Nakon toga probni period rada za policijske službenike traje 12 mjeseci tako da odabrani kandidati neće biti samostalni za rad nakon prijema, jednu godinu i sedam mjeseci, odnosno jednu godinu i četiri mjeseca.

Kada su u pitanju državni službenici i namještenici u Upravi policije je sistematizovano 59 radnih mjesta sa statusom državnih službenika, od čega je popunjeno 19 radnih mjesta, tako da je trenutno nepopunjeno 40 radnih mjesta, a broj sistematizovanih radnih mjesta sa statusom namještenika je 332, od čega je popunjeno 233 radna mjesta, a trenutno je nepopunjeno 99 radnih mjesta.

Posljednji prijem državnih službenika i namještenika bio je 2018. i 2019. godine, i tada je u radni odnos primljen jedan državni službenik i 17 namještenika. Navedeni prijemi su raspisani i okončani od strane Ministarstva unutrašnjih poslova, jer je Uprava policije u to vrijeme bila osnovna organizaciona jedinica Ministarstva unutrašnjih poslova i nije zakonski mogla provoditi konkursne procedure.

Od posljednjeg prijema gore navedenih zaposlenika, radni odnos u Upravi policije je prestao za 54 zaposlenika po raznim osnovama. S obzirom na starosnu strukturu državnih službenika i namještenika, kao i činjenicu da su veći broj namještenika radili kao policijski službenici, koji su pored efektivnog radnog staža imali i beneficirani staž, očekivati je da se u narednim godinama poveća broj zaposlenika kojima će prestati radni odnos zbog sticanja uslova za starosnu penziju.

Posebno želimo istaći i činjenicu da zbog velikog nedostatka ove kategorije zaposlenika, veći broj zaposlenika pored svojih, obavlja i poslove drugog radnog mjesta, a na određene poslove i zadatke angažujemo i policijske službenike kako ne bi došlo do zastoja u obavljanju redovnih poslova i zadataka, što u konačnici dovodi do narušavanja načela efikasnosti i kvalitetnijeg izvršavanja poslova i radnih zadataka.

Uprava policije je u 2022. godini pokrenula proceduru prijema 50 (pedeset) državnih službenika i namještenika (2 rukovodeća državna službenika, 19 državnih službenika i 29 namještenika, pri čemu smo pribavili sva prethodna mišljenja, ali još uvijek nismo dobili saglasnost Komisije Vlade Zeničko-dobojskog kantona koju smo zatražili aktom broj: 08-02-06/2-30-1-542-13/22 od 05.10.2022. godine, tako da nismo ni mogli pokrenuti proceduru prijema po pomenutom zahjevu.

Ukoliko se u tekućoj godini ne izvrši prijem traženog broja državnih službenika i namještenika, koji je minimum u odnosu na broj upražnjenih radnih mjesta, onda se dovodi u pitanje normalno funkcionisanje Uprave policije, pri čemu se neće moći izvršavati redovni poslovi i zadaci iz nadležnosti Uprave policije, niti će se moći poštovati zakonski rokovi za postupanje po zahtjevima građana, što može imati nesagledive posljedice.

S tim u vezi, a na osnovu naprijed navedenih činjenica predlažemo da primite na znanje ovu Informaciju.



Trg BiH br.1.Zenica, Tel. 032/449-249,

www.mupzdk.gov.ba

E-mail: mupzdk@mupzdk.gov.ba

S poštovanjem!

Prilog:

- Zaključak Vlade o primanju na znanje Informacije o stanju popunjenosti policijskih službenika, državnih službenika i namještenika u Upravi policije,
- Obrazloženje Zaključka,
- Zaključak Vlade kojim se prima na znanje Informacija o stanju popunjenosti policijskih službenika u Upravi policije broj: 02-03-4967/22 od 25.03.2022. godine i
- Izjava o fiskalnoj procjeni.

S poštovanjem!

DOSTAVLJENO:

1. Naslov x 1
2. a/a x 1

MINISTAR

Benjamin Sinanović